

Զոգովուրդ

108
(3139)

20 օգոստոսի չորեքշաբթի 2025
տպագրության ԺՂ տարի

Է. Երեւան, Արմավյան 22ա/3 (0010) + 374 10 546423 @ info.armlur@gmail.com, info.zhoghovurd@gmail.com

100 դրամ

9. 887 ՄԱՐԴԻ ՄՏԱՑԵԼ Է ԸՆԴՀԱՆՈՒՐ 486 ՄԼՆ ԴՐԱՄ ԱՋԱԿՑՈՒԹՅՈՒՆ



Մի քանի աղբյուրից հաշվարկված եւ փոխանցված սոցիալական վճարների առավելագույն չափը գերազանցող գումարները ֆիզիկական անձանց կարող են վերադարձնել ինքնաշխատ եղանակով:

Այսինքն, եթե ձեր հաշվին նկատեք ավելցուկ՝ կլորիկ գումարի տեսքով, կարող եք չանհանգստանալ, դա ձեր աշխատավարձից կուտակված սոցվճարի վերադարձն է: Հենց այս վերադարձի շնորհիվ անձը մեկ օրում կարող է դառնալ միլիոնատեր:

Եկեք հասկանանք՝ ինչպես է գործում սոցվճարի վերադարձը: Եթե ֆիզիկական անձի ամսական եկամուտը չի գերազանցում 500 հազար դրամը, ապա սոցիալական վճարը հաշվարկվում է եկամտի 5%-ի չափով, իսկ գերազանցելու դեպքում՝ եկամտի 10%-ի եւ 25 հազար դրամի տարբերության չափով, բայց ոչ ավելի՝ 87 հազար 500 դրամից:

Եթե տարեկան եկամուտը չի գերազանցում 6 մլն դրամը, ապա սոցիալական վճարը հաշվարկվում է եկամտի 5%-ի չափով, իսկ գերազանցելու դեպքում՝ եկամտի 10%-ի եւ 300 հազար դրամի տարբերության չափով, բայց ոչ ավելի՝ 1 մլն 50 հազար դրամից:

Հարկ է ընդգծել, որ սոցիալական վճարների վերադարձից կարող են օգտվել այն ֆիզիկական անձինք, որոնք մի քանի գործատուների մոտ աշխատում են որպես վարձու աշխատող, կամ միաժամանակ հանդիսանում են անհատ ձեռնարկատեր կամ նույնիսկ վարձու աշխատող, որի արդյունքում նրանց համար հաշվարկված եւ փոխանցված սոցիալական վճարի ընդհանուր գումարը գերազանցում է սահմանված առավելագույն չափը:


«Ժողովուրդ» օրաթերթը հարցմամբ դիմել էր ՀՀ Պետական եկամուտների կոմիտե՝ հասկանալու համար, թե որքան է կազմել այս ծրագրով վերադարձի գումարի չափը, եւ քանի անձ է ստացել սոցվճարի վերադարձ:

«ՀՀ ՊԵԿ տեղեկատվական բազայում առկա տվյալների համաձայն՝ 2025 թվականի առաջին եռամսյակում մի քանի աղբյուրից ստացման ենթակա (ստացված) եկամտից հաշվարկված եւ փոխանցված (զանձված)՝ սոցիալական վճարների առավելագույն չափը գերազանցող գումարներ վերադարձվել են թվով 9 887 մասնակիցների, իսկ վերադարձված գումարի ընդհանուր չափը կազմել է 486 մլն 606 հազար դրամ», - ասված է հարցմանն ի պատասխան:

Հրջակա միջավայրի նախկին նախարար Հակոբ Սիմիոյանի կադրերը մեկը մյուսի հետեւից ազատվում են պաշտոններից: Հրջակա միջավայրի նախարարի տեղակալ Տիգրան Գաբրիելյանը տարբեր հիմնադրամներում աշխատելուց հետո՝ 2018 թվականից սկսել է պետական պաշտոններ ստանձնել. գյուղատնտեսության նախարարի տեղակալ, ապա Էկոնոմիկայի նախարարի տեղակալ, իսկ վերջերս ազատվեց ՀՄՆ փոխնախարարի պաշտոնից: Իսկ ի՞նչ ունեցվածքով համակարգը լքեց Տիգրան Գաբրիելյանը: Նախկին փոխնախարարը, համաձայն 2024 թվականի հայտարարագրի, 2011 թվականին ձեռք է բերել բնակարան Երեւանի Էրեբունի վարչական շրջանում: Սեփական տրանսպորտային միջոց Գաբրիելյանը չի հայտարարագրել, սակայն շահագործում է սեփականության իրավունքով իրեն չպատկանող Lexus մակնիշի մեքենան: Նրա բանկային ավանդները կազմում են 69 հազար դրամ, բանկային հաշիվների մնացորդները՝ գրեթե 11 մլն դրամ, 3,5 հազար դոլար, 1,73 եվրո: Կանխիկ դրամական միջոցները կազմել են 12 հազար դոլար: Տիգրան Գաբրիելյանի՝ նախորդ տարվա եկամուտը կազմել է 52 մլն 88 հազար դրամ, որից 15 մլն դրամն աշխատանքի վարձատրություն է ՀՄՆ նախարարությունից, իսկ 2 մլն 693 հազարը ՀՀ ՊԵԿ-ից ստացած եկամտային հարկի վերադարձ է: Եկամտի մյուս մասը վարկեր են «Ակբա» բանկից եւ «Ամերիաբանկից»: Ստացված վարկերի եւ փոխառությունների մայր գումարի մնացորդը հաշվետու տարվա դեկտեմբերի 31-ի դրությամբ կազմել է 32 մլն 895 հազար դրամ, որը բնակարանի հիփոթեքի մայր գումարի մնացորդն է, ինչը մարելու համար էլ նախկին փոխնախարարը ՊԵԿ-ից ստացել է եկամտահարկի վերադարձ: Տիգրան Գաբրիելյանը «Քաղաքացիական պայմանագիր» կուսակցության անդամ է:



Ինքնուրույն նախաքննական մարմինը չի շտապում պատասխանատվության կանչել ԱԺ ԶԳ-ական պատգամավոր Սերգեյ Բագրատյանի որդուն կամ միջադեպի մյուս մասնակիցներին: Ում են փորձում փրկել իրավապահները: Հիշեցնենք, որ օգոստոսի 4-ին Երեւանում երեք քաղաքացու միջեւ տեղի էր ունեցել վիճաբանություն: Միջադեպի կիզակետում եղել է ԱԺ պատգամավոր Սերգեյ Բագրատյանի որդին՝ Շանթ Բագրատյանը, իսկ բախման պատճառը եղել է ավտոմեքենայի կայանման խնդիրը: Գնդակը այժմ Կոմիտեի որոշման դաշտում է, սպասում ենք պատասխանին: Սակայն ԶԳ-ական պատգամավորի որդուն հարցաքննել են ու կանգ առել: Նկատենք, որ ԱԺ ԶԳ-ական պատգամավորի որդին առաջին անգամ չէ, որ հայտնվել է իրավապահների տեսահաշտում, բայց, ինչպես ցույց է տալիս փորձը, ջրից չոր է դուրս գալիս: 2022 թվականին «Քաղաքացիական պայմանագիր» խմբակցության պատգամավոր Սերգեյ Բագրատյանի որդու՝ Շանթ Բագրատյանի մասնակցությամբ միջադեպով գործը ուշագրավ ավարտ ունեցավ: Նախաքննական մարմինը, ի դեմս ՀՀ Քննչական կոմիտեի, կարճել էր ԱԺ պատգամավորի որդու աղմկահարույց միջադեպի քրեական գործը: Ահա, թե ինչպես են մաքրվում իշխանական պատգամավորների որդիների մասնակցությամբ միջադեպերը: Բանն այն է, որ 2022 թվականի մայիսի 15-ին Վայոց ձորի մարզի գաղափարական ծեծկռուռ էր եղել: Մասնավորապես, 45-ամյա տնօրեն Վահե Ասատրյանին ծեծի էին ենթարկել, եւ միջադեպի կիզակետում հայտնվել էր ԱԺ «Քաղաքացիական պայմանագիր» խմբակցության պատգամավոր Սերգեյ Բագրատյանի որդին՝ Շանթ Բագրատյանը:



Հարունակությունը՝ ArmLur.am կայքում:

«Ժողովուրդ» օրաթերթի տեղեկություններով՝ երեքշաբթյա արձակուրդից վերադառնալուց հետո վարչապետ Նիկոլ Փաշինյանը անցկացրել է ԶԳ վարչության նիստ. քննարկվել է մարզերում ու տարածքային կառույցներում առաջիկա նշանակումների հարցը: Մեր աղբյուրների փոխանցմամբ, գործընթացը սկսվել է Սյունիքի մարզից. Գորիսի ՏԿ ղեկավարի պաշտոնում հաստատվել է ԶԳ պատգամավոր Արմեն Խաչատրյանի թեկնածությունը: Նիստում անդրադարձ է եղել նաեւ այլ մարզային ու տարածքային կառույցների ղեկավարների նշանակմանը: Փաշինյանը շեշտել է, որ ընտրություններից առաջ անհրաժեշտ է կատարել վերանշանակումներ՝ ըստ արդյունավետության, ինչը վկայում է՝ ԶԳ-ն արդեն լուրջ պատրաստվում է ընտրական գործընթացին: Հաջորդ նիստերին մյուս մարզերի «հարցերը կլուծվեն»: Իսկ մինչ այդ պետք է ԶԳ վարչության անդամի թեկնածուները շարունակեն իրենց քարոզչությունը:



ԻՇԽԱՆՈՒԹՅՈՒՆ-ԵԿԵՂԵՑԻ ՓՈԽՅԱՐԱԲԵՐՈՒԹՅՈՒՆՆԵՐ

ԼԱՐՎԱԾՈՒԹՅՈՒՆԸ ԿՂԱՐԹՎԻ՞ ՈՂՋԱԽՈՂՈՒԹՅԱՄԲ

ArmLur.am-ը Մայր Աթոռ Սուրբ Էջմիածնում գրուցել է Մայր Աթոռի միաբան, «Գարեգին I» գիտակրթական կենտրոնի փոխնախագահ Տեր Շնորհաբեկ Մարգարյանի հետ: Ձրույցը հիմնավորապես վերաբերում էր իշխանություն-եկեղեցի փոխհարաբերություններին:

Հարցազրույցի առաջին մասը «Ժողովուրդ» օրաթերթի նախորդ՝ 3138 համարում (19.08.2025):

-Հայր Սուրբ, եկեղեցի-իշխանություն լարված հարաբերությունների ֆոնին, երբ, ինչպես արդեն խոսել էինք, հաճախ հնչում են քննադատություններ նաեւ եկեղեցու հասցեին, նշվում է նաեւ, թե իշխանության ներսում կան անձինք, որոնք արեւիստ են, Աստծուն չեն հավատում, եւ հենց այդ պատճառով էլ մշտապես քննադատական վերաբերմունք են դրսևորում եկեղեցու հանդեպ: Ըստ Ձեզ՝ կա՞ նման բան: Արդյո՞ք սա է առաջացրել նրանց քամահրանքը կամ նույնիսկ ատելությունը եկեղեցու եւ հոգեւորականության նկատմամբ: Չէ՞ որ նրանց խոսքում հաճախ առկա է վրդովմունք. նրանք չեն հանդուրժում եկեղեցու քայլերն ու հայտարարությունները, երբեմն նույնիսկ Վեհափառի հանդուրժողականության մասին հայտարարություններն են համարում անընդունելի: Ի՞նչն է, ըստ Ձեզ, այս ամենի պատճառը:

-Հոգեւոր դաշտը եւ հավատքը այնպիսի միջավայր են, որտեղ որեւէ մեկը չի կարող ճշգրիտ հասկանալ կամ չափել դիմացինի հավատքի խորությունը: Սա չափազանց անձնական եւ ներքին դաշտ է, որի մեջ մտնելը ճիշտ չէ: Այդ իսկ պատճառով եւ երբեք չեն փորձի դատել կամ կշռադատել որեւէ մեկին նրա հավատքի չափով: Իբրեւ հոգեւորական, իբրեւ հայ ժողովրդի ծառա եւ Հայ Առաքելական Սուրբ Եկեղեցու սպասավոր՝ իմ պարտքն եմ համարում արդթքով, անձնական օրինակով ու ծառայությամբ օգտակարություն բերել իմ ժողովրդին, պետությանը եւ հայրենիքին: Վստահ եմ, որ մարդուն կարելի է օգնել ոչ թե քննադատությամբ կամ դատելով, այլ առաջին հերթին սիրով, աղոթքով եւ ծառայությամբ:

-Հայր Սուրբ, բայց այսօր արդեն հասել ենք մի կետի, երբ Հայաստանի Հանրապետության վարչապետ Նիկոլ Փաշինյանը հայտարարում է, որ եկեղեցու կանոնակարգերը պետք է փոխվեն:



Արդյո՞ք վարչապետը նման իրավասություն ունի: Կարո՞ղ է նա որեւէ կերպ նախաձեռնել կամ պարտադրել այդ փոփոխությունները:

-Եկեղեցին, իբրեւ հաստատություն, ունի խորքային եւ բազմաշերտ կառուցակարգեր, որոնք երբեմն կարող են անընկալելի կամ դժվար հասկանալի թվալ արտաքին աշխարհին: Այստեղ միայն մարդկային գործոնը չէ որոշիչ: Պետք է հիշել, որ եկեղեցին ունի ընկալման երկու հարթություն. առաջինը՝ ադմինիստրատիվ եկեղեցին, որը մենք տեսնում ենք հոգեւորականության եւ կառույցների միջոցով, եւ երկրորդը՝ եկեղեցին որպէս Քրիստոսի մարմին: Այս երկու հարթությունները սերտորեն կապակցված են միմյանց: Եթե փորձենք բացառել Աստծո ներկայությունն ու շնորհը, ինչպես նաեւ այդ շնորհից բխող իմաստությունը, ապա գուցէ կառավարչական տեսանկյունից հնարավոր լինեն որոշ փոփոխություններ, մոդեռնիզացիայի փորձեր: Սակայն այդ պարագայում եկեղեցին կդադարի եկեղեցի լինելուց. այն կվերածվի սովորական հաստատության: Իսկ եկեղեցու հիմնական դերը Տիրոջ մեզ տրված առաքելությունն է՝ երկնքի Արքայության քարոզչությունը: Այդ քա-

րոզչության շարունակականությունն իրականացվում է եկեղեցու միջոցով: Եթե մենք բոլորս, որպէս քրիստոնյաներ, գիտակցենք մեզ տրված այս գլխավոր ճշմարտությունը, ապա մնացած բոլոր հարցերը մեզ համար դառնում են ավելի պարզ եւ լուծելի:

Իմ համեստ կարծիքով՝ հայտարարություն անելուց կամ որեւէ քայլի դիմելուց առաջ անհրաժեշտ է խորությամբ ուսումնասիրել այդ հարցերը: Եթե կան մտահոգություններ կամ անհանգստություններ, վստահ եմ, որ հատկապես Մայր Աթոռ Սուրբ Էջմիածինը պատրաստակամ է՝ նստելու քննարկումների սեղանի շուրջ, երկխոսելու եւ երկկողմանիորեն հասկանալու՝ ինչպիսին է մեր պատկերացումը եկեղեցու հանդեպ: Այդ մոտեցումն ավելի կառուցողական եւ խաղաղարար ճանապարհ է՝ գտնելու փոխըմբռնում եւ լուծումներ:

Ես համոզված եմ, որ ողջախիռությունը ի վերջո կհաղթի: Այսօր առկա լարվածությունը ժամանակի ընթացքում կհարթվի, եւ փոխադարձ լսելու, երկխոսելու ու համագործակցելու պատրաստակամությամբ հնարավոր կլինի հաղթահարել բոլոր դժվարությունները:

Ձրույցը ՍՈՆԱ ԳՐԻԳՈՐՅԱՆԸ



ՎԵՐՉԻՇԵԼՈՎ ՊԱՏՄԱԿԱՆ ԱՆՅՅԱԼԸ

Օգոստոսի 18-ին Ռուսաստանի դեսպանատունը «Ռուստորուղնիչեստվոյի» ներկայացուցչության հետ Արագածոտնի մարզում՝ «Օշականի Յերոսների» հուշարձանի մոտ, կազմակերպել էր հանդիսավոր միջոցառում՝ նվիրված Օշականի ճակատամարտի հաղթանակի 198-րդ տարեդարձին:

Հայաստանում Ռուսաստանի գործերի ժամանակավոր հավատարմատար Մ.Վ. Սելեզնյովը կարեւորել է հայ եւ ռուս ժողովուրդների սիրանքների մասին հիշողության պահպանումը, ինչպէս նաեւ պատմական անցյալը:

Միջոցառմանը մասնակցել են «Ռուստորուղնիչեստվոյի» ներկայացուցչության ղեկավար Վ. Պ. Ֆեֆիլովը, Հայաստանում Ռուսաստանի Անվտանգության Դաշնային Ծառայության Սահմանապահ Վարչության 102-րդ ռուսական ռազմակայանի եւ «Էրեբունի» ավիաբազայի ղեկավարությունը, արտաքին գործերի նախարարության եւ կրթության, գիտության, մշակույթի եւ սպորտի նախարարության աշխատակիցները, ՀՀ Արմավիրի մարզպետարանի ներկայացուցիչները, Հայաստանում Բելառուսի դեսպանության ավագ խորհրդական Գ. Ս. Աքսյոնովը, Ռուս Ուղղափառ Եկեղեցու եւ Հայ Առաքելական Եկեղեցու հոգեւորականներ, ինչպէս նաեւ հասարակական ակտիվիստներ:

1827 թվականի օգոստոսի 17-ին գեներալ-լեյտենանտ Ա. ի. Կրասովսկու հրամանատարությամբ ռուսական ջոկատը հայ աշխարհագրայինների հետ կատարի մարտերի ընթացքում զսպեց բազմիցս գերազանցող պարսկական զորքերին՝ պաշտպանելով հայ ժողովրդի գլխավոր հոգեւոր կենտրոնը՝ Մայր Աթոռ Սուրբ Էջմիածինը:

ԱՊՔ ԲԱՐՏՈՒՂԱՐԻ ԱՆԴՐԱԳԱՐՁԸ

Անկախ պետությունների համագործակցությունը հույս ունի, որ Վաշինգտոնում Հայաստանի եւ Ադրբեջանի միջեւ ստորագրված փաստաթղթերը կծառայեն որպէս խաղաղության համաձայնագրի հիմք: Ինչպէս տեղեկացնում է TACC-ը, այդ մասին հայտարարել է ԱՊՀ գլխավոր քարտուղար Սերգեյ Լեբեդեւը՝ կազմակերպության կանոնադրական եւ այլ մարմիններում Համագործակցության անդամ պետությունների մշտական լիազոր ներկայացուցիչների խորհրդի նիստից առաջ:

«Ինչպէս մի ժամանակ մենք բոլորս Համագործակցության երկրներում գոհ էինք Ղրղզստանի եւ Տաջիկստանի միջեւ միջպետական սահմանի վերաբերյալ պայմանագրի ստորագրումից, այնպէս էլ հիմա շատ գոհ ենք այս համատեղ հռչակագրի ստորագրումից: Մենք կարծում ենք, որ սա անհամաձայնությունների վերջնական կարգավորման եւ Ադրբեջանի ու Հայաստանի միջեւ խաղաղության պայմանագրի կնքման ճանապարհին եղած փուլերից մեկն է»:

Նա հավելել է, որ խաղաղության համաձայնագիրը թույլ կտա այդ հանրապետությունների տարածքում անցկացնել ԱՊՀ բարձրագույն մարմինների ավելի լիարժեք նիստեր:

«Հուսով եմ, որ այս հանրապետությունները կարող են ավելի ակտիվորեն մասնակցել Անկախ պետությունների համագործակցության գործունեությանը», - ընդգծել է Լեբեդեւը:

ԲԱԳՐԱՏ ՍՐԲԱԶԱՆԻ ԵՎ ՄՅՈՒՆՆԵՐԻ ԳՈՐԾՈՎ ԴԱՏԱԿԱՆ ՆԻՍՏԸ՝ ԱՅՍՕՐ

ԿՓՈՒՎԻ՞ ԸԱՐԺՄԱՆ ՄԱՄՆԱԿԻՑՆԵՐԻ ԽԱՓԱՆՄԱՆ ՄԻՋՈՅԸ

Երեւանի առաջին աշյանի ընդհանուր իրավասության ֆրեական դասարանի Կենտրոնի նախագայրում ավարտվեց «Մրբազան Եարժման» առաջնորդ Բագրատ Մրբազանի եւ Եարժման մյուս մասնակիցների գործով դասական առաջին նիստը:

Հաջորդ նիստը տեղի կունենա այսօր՝ օգոստոսի 20-ին՝ ժամը 14:30-ին Շենգավիթի դատարանում: Երկրորդ նիստի ընթացքում դատավորը կքննի ամբաստանյալների խափանման միջոցը փոխելու հարցը:

Ավելի վաղ հայտնել էինք, որ Երեւանի ընդհանուր իրավասության քրեական դատարանի Կենտրոնի նստավայրում մեկնարկել է «Մրբազան շարժման» առաջ-

նորդ Բագրատ Մրբազանի եւ մյուսների գործով դատական առաջին նիստը:

Ըստ մեղադրական եզրակացության՝ Բագրատ Մրբազանին մեղադրանք է առաջադրվել այն բանի համար, որ նա իր կողմից նախաձեռնված եւ ղեկավարվող «Մրբազան պայքար» անվանումով շարժումն իրականացնելու մի քանի ամիսների ընթացքում, չկարողանալով Հայաստանի Հանրապետության Սահմանադրությամբ թույլատրված եղանակներով իրագործել իր կողմից շարժման առջեւ դրված Հայաստանի Հանրապետությունում իշխանությունը ստանձնելու նպատակը, 2024 թվականի նոյեմբեր ամսից սկսած՝ նպատակադրվել է այն իրագործել ՀՀ Սահմանադրությամբ չթույլատրված եղանակով, եւ այդ նպատակի իրականացման համար շարժման մի շարք մասնակիցների՝ Սովսե Շարբաթյանի, Հայկ Շահնազարյանի, Տիգրան Թոփալյանի, Լիդիա Մանթաշյանի, Հրայր Հակոբյանի, Կարո Օկունովյանի, Արթուր Սարգսյանի, Իգոր Սարգսյանի, Արա Ռոստոմյանի, Արսեն Ղազարյանի, Արման Իսրայելյանի, Աղվան Արշակյանի, Արմեն Ալեքսանյանի, Միհրան Մախսուդյանի, Դավիթ Գալստյանի եւ այլ անձանց հետ նախնական համաձայնությամբ խմբի կազմում, ձեռք է բերել ահաբեկչություն կատարելու եւ իշխանությունը զավթելու համար անհրաժեշտ միջոցներ եւ գործիքներ, ինչպէս նաեւ նրանք դիտավորությամբ ստեղծել են այլ պայմաններ՝ այդ կերպ կատարելով իշխանությունը յուրացնելու նախապատրաստություն:

ՆՈՐ ՓԱՍՏԱԹՂԹԵՐ ՍՏՈՐԱԳՐՎԵՑԻՆ

Իրանի նախագահ Մասուդ Փեզեշքեյանի՝ Հայաստան կասարած դաշնակցական այցի ժամանակում Հայաստանի եւ Իրանի միջեւ ստորագրվեցին մի շարք փաստաթղթեր:

Հայաստանի վարչապետ Նիկոլ Փաշինյանը եւ Իրանի նախագահ Մասուդ Փեզեշքեյանը ստորագրեցին համատեղ հայտարարություն:

Հայաստանի եւ Իրանի ԱԳ նախարարությունների միջեւ ստորագրվեց 2025-2027 թվականների քաղաքական խորհրդակցությունների մասին հուշագիր: Հայկական կողմից փաստաթուղթը ստորագրեց Հայաստանի ԱԳ նախարար Արարատ Միրզոյանը, իրանական կողմից՝ Իրանի ԱԳ նախարար Աբաս Արադջին:

Հայաստանի էկոնոմիկայի նախարարության եւ Իրանի ստանդարտների ազգային կազմակերպության միջեւ ստորագրվեց ստանդարտացման, հավատարմագրման, համապատասխանության գնահատման, չափագիտության եւ տեխնիկական կանոնակարգման ոլորտներում համագործակցության մասին փոխըմբռնման հուշագիր: Հայկական կողմից փաստաթուղթը ստորագրեց ՀՀ էկոնոմիկայի նախարար Գեորգ Պապոյանը, իրանական կողմից՝ Իրանի նախագահի տեղակալ Սեյեդ Համիդ Փուրմոհամադին:

Հայաստանի էկոնոմիկայի նախարարության եւ Իրանի մշակութային ժառանգության, զբոսաշրջության եւ ձեռարկվեստի նախարարության միջեւ զբոսաշրջության ոլորտում համագործակցության մասին հուշագիր ստորագրվեց: Հայկական կողմից ստորագրեց ՀՀ էկոնոմիկայի նախարար Գեորգ Պապոյանը, իրանական կողմից՝ ԻԻՀ մշակութային ժառանգության, զբոսաշրջության եւ ձեռարկվեստի նախագահ Սալեյ Ամիրի:

ՀՀ կրթության, գիտության, մշակույթի եւ սպորտի նախարարության ու Իրանի կոոպերացիայի, աշխատանքի եւ սոցիալական բարեկեցության նախարարության միջեւ ստորագրվեց մասնագիտական կրթության եւ ուսուցման ոլորտում 2025-2029 թվականների համագործակցության մասին փոխըմբռնման հուշագիր: Հայկական կողմից փաստաթուղթը ստորագրել է ՀՀ ԿԳՄՍ նախարար Ժաննա Անդրեասյանը, իրանական կողմից՝ ԻԻՀ հանքարդյունաբերության նախարար Սեյեդ Մոհամադ Աթաբաքը:

Հայաստանի քաղաքաշինության կոմիտեի եւ Իրանի ճանապարհների եւ քաղաքաշինության նախարարության միջեւ ստորագրվեց փոխըմբռնման հուշագիր քաղաքաշինության եւ շինարարության



ոլորտներում համագործակցության մասին: Հայկական կողմից փաստաթուղթը ստորագրել է ՀՀ քաղաքաշինության կոմիտեի նախագահ Երիզադար Վարդանյանը, իրանական կողմից՝ Իրանի ճանապարհների եւ քաղաքաշինության նախարար Ֆարգանե Սադեգը:

Հայաստանի առողջապահության նախարարության դեղերի եւ բժշկական տեխնոլոգիաների փորձագիտական կենտրոնի եւ Իրանի առողջապահության եւ բժշկական կրթության նախարարության մեդիկալ եւ դեղերի կառավարման վարչության միջեւ ստորագրվեց փոխըմբռնման հուշագիր բժշկական արտադրանքի կարգավորման բնագավառում համագործակցության մասին: Հայկական կողմից փաստաթուղթը ստորագրեց ՀՀ առողջապահության նախարարի տեղակալ Արմեն Գասպարյանը, իրանական կողմից՝ ՀՀ-ում Իրանի դեսպան Մեհրի Սոբհանի:

Հայաստանի ազգային արխիվի եւ Իրանի ազգային գրադարանի եւ արխիվի միջեւ ստորագրվեց փոխըմբռնման հուշագիր: Հայկական կողմից ստորագրեց Հայաստանի ազգային արխիվի տնօրեն Արթուր Ստեփանյանը, իրանական կողմից՝ Իրանի մշակույթի եւ իսլամական առաջնորդության նախարարի տեղակալ Ռայեդ Ֆարիդզադեն:

Հայաստանի ազգային գրադարանի եւ Իրանի ազգային գրադարանի եւ արխիվի միջեւ ստորագրվեց փոխըմբռնման հուշագիր: Հայկական կողմից ստորագրեց Իրանում Հայաստանի դեսպան Գրի-

գոր Հակոբյանը, իրանական կողմից՝ Իրանի մշակութային ժառանգության, զբոսաշրջության եւ ձեռարկվեստի նախարարության միջազգային հարաբերությունների եւ հանրային դիվանագիտության կենտրոնի ղեկավար Մոջաթիլահ Այուբին:

Հայաստանի պատմության թանգարանի եւ Իրանի ազգային թանգարանի միջեւ ստորագրվեց փոխըմբռնման հուշագիր: Հայկական կողմից ստորագրեց Հայաստանի պատմության թանգարանի տնօրեն Դավիթ Պողոսյանը, իրանական կողմից՝ Իրանի մշակութային ժառանգության, զբոսաշրջության եւ ձեռնարկվեստի նախարարության միջազգային հարաբերությունների եւ հանրային դիվանագիտության կենտրոնի ղեկավար Մոջաթիլահ Այուբին:

Հայաստանի կրթության, գիտության, մշակույթի եւ սպորտի նախարարության Հայաստանի կինոյի հիմնադրամի եւ Իրանի մշակույթի եւ իսլամական առաջնորդության նախարարության կինոյի հարցերի կազմակերպման միջեւ ստորագրվեց կինոփոխանակումների եւ համագործակցության վերաբերյալ փոխըմբռնման հուշագիր: Հայկական կողմից ստորագրեց Հայաստանի կինոյի հիմնադրամի տնօրեն Դավիթ Բանուշյանը, իրանական կողմից՝ Իրանի մշակույթի եւ իսլամական առաջնորդության նախարարի տեղակալ, կինոմատոգրաֆիայի աուդիովիզուալ կազմակերպության նախագահ Ռայեդ Ֆարիդզադեն:

ԱՆԻ ՎԱՐԴԱՆՅԱՆ

ՕՐՎԱ ԽՃԱՆԿԱՐ

ՔԱՂԱՔԱԿԱՆ ՆՈՐՈՒԺ Է ԶԵՎԱՎՈՐՎՈՒՄ

Նինա Կարապետյանը դադարեցնում է 25 տարվա իրավապաշտպանի գործունեությունը եւ այսուհետեւ զբաղվելու է քաղաքական գործունեությամբ: «Ես ինձ համար շատ ծանր որոշում եմ կայացրել՝ դադարեցնել իրավապաշտպան գործունեությունն ու զբաղվել այն գործունեությամբ, որը իսկապես կարող է փոփոխություն բերել», - երեկ լրագրողների հետ հանդիպման ժամանակ, հայտարարեց իրավապաշտպան Նինա Կարապետյանը:

Նա մեկն է «ՆՏԱՐ» սահմանադրական շարժման հիմնադիրներից: ArmLur.am-ը



գրուցել է Կարապետյանի հետ քաղաքական շարժման, Նոր կառավարման համակարգ ստեղծելու, նախկինների հետ կապ ունենալու եւ գալիք անելիքների մասին: Արդեն նախկին իրավապաշտպանը չբացեց չափերստերը, թե ով է այս քաղաքական շարժման առաջնորդը:

ԼԱՍԱ ՄԻՔԱՅԵԼՅԱՆ

ԱՐԵԳԱՆԻ ՎՐԱ ՀԶՈՐ ԲՈՆԿՈՒՄ Է ԳՐԱՆՑՎԵԼ

Մասնագետները գրանցել են նախաՎերջին հզորության M1.1 դասի արեգակնային բռնկում: Այս մասին ՏԱՄՍ-ին

հայտնել են Է.Կ. Ֆեդորովի անվան կիրառական երկրաֆիզիկայի ինստիտուտից:

«Օգոստոսի 19-ին 4188 արեւային բծերի խմբում (S09E88) գրանցվեց M1.1 50 ռոպե տեսողությամբ բռնկում», - նշել են նրանք այնտեղ:

Ինստիտուտի տվյալներով՝ առաջիկա երկու օրերին սպասվում է չափավոր բռնկումային ակտիվություն, չեն բացառվում X դասի բռնկումները: Գեոմագնիսական դաշտը կարող է անկայուն լինել, ճառագայթային իրադիմակը՝ անխախտ: Միաժամանակ, օրվա ընթացքում հնարավոր է բարձր հաճախականության ռադիոկայի պայմանների վատթարացում:

Արեգակնային բռնկումները բաժանվում են հինգ դասի՝ կախված ռենտգենյան ճառագայթման հզորությունից՝ A, B, C, M եւ X:

ԻՐԱՎԱԿԱՆ

ՄԱՆՐԱՄԱՍՆԵՐ՝ ԱՌԵՂԾՎԱԾԱՅԻՆ ԻՆՔՆԱՍՊԱՆՈՒԹՅՈՒՆԻՑ

Ո՞Վ Է ԱՌԱՋԻՆԸ ԳՈՐԾԱՐԱՐԻՆ ԳՏԵԼ ՄԱՐԱՑԱԾ

Օգոստոսի 17-ին սարածված լուրը, որ «Կառիսալ Բիլդ» ընկերության սեփականատերերից գործարար Կարեն Գասպարյանը վերջին շրջանում շատ տխուր է եղել: ArmLur.am-ի հետ զրույցում նրա հարեանները պատմեցին, որ անգամ այնքան մտազբաղ է եղել, որ երբեմն չի բարեւել հարեաններին: Շենքի բնակիչների խոսքով՝ գործարարին առաջինը ինքնասպան վիճակում գտել է նրա վարորդը, որը ոստիկանության նախկին աշխատակից Անդրանիկ Խոջոյանն է: Ըստ նրանց՝ վարորդը գանգահար էլ է գործարարին, նա չի պատասխանել, որից հետո մտել է ավտոկայանատեղի, բացել է դարպասները, տեսել, որ մեքենան տեղում է, ու կրկին ավտոկայանատեղու դուռը փակել է, գնացել՝ չպատկերացնելով, որ գործարարը մեքենայի մեջ կարող է անշնչացած լինել:

ArmLur.am-ը օգոստոսի 18-ին՝ առավոտյան, արդեն դեպքի վայրում էր: Նախնական տվյալներով ինքնասպան եղած գործարար Կարեն Գասպարյանը վերջին շրջանում շատ տխուր է եղել: ArmLur.am-ի հետ զրույցում նրա հարեանները պատմեցին, որ անգամ այնքան մտազբաղ է եղել, որ երբեմն չի բարեւել հարեաններին: Շենքի բնակիչների խոսքով՝ գործարարին առաջինը ինքնասպան վիճակում գտել է նրա վարորդը, որը ոստիկանության նախկին աշխատակից Անդրանիկ Խոջոյանն է: Ըստ նրանց՝ վարորդը գանգահար էլ է գործարարին, նա չի պատասխանել, որից հետո մտել է ավտոկայանատեղի, բացել է դարպասները, տեսել, որ մեքենան տեղում է, ու կրկին ավտոկայանատեղու դուռը փակել է, գնացել՝ չպատկերացնելով, որ գործարարը մեքենայի մեջ կարող է անշնչացած լինել:

Անցել է 2 ժամ, գործարար Կարեն Գասպարյանի վարորդը կրկին վերադարձել է Դեմիրճյան 1 շենք, որտեղ ընտանիքի հետ բնակվում էր գործարար Կարեն Գասպարյանը, կրկին բացել է ավտոկայանատեղու դարպասները ու մոտեցել մեքենային, որից հետո շենքում լսվել են բղավոցի ձայներ՝ «Էս ի՞նչ արեցիր, ի՞նչ արեցիր.....»:

Շենքի բնակիչների պատմելով՝ իրավապահները երբ եկել են դեպքի վայր, անմիջապես տեսախցիկներն են ստուգել, եւ տեսանյութում երևում է, թե ինչպես է գործարար Կարեն Գասպարյանը միայնակ մտնում իր ավտոկայանատեղի, փակում է դարպասները, նստում մեքենան, փակում դռներն ու լուսամուտները, ապա կրակոցով սպանում իրեն: Բնակիչների խոսքով, երբ նրան գտել են անշնչացած վիճակում, չեն կարողացել բացել մեքե-



նայի դռները: Վարորդը գնացել, տանից բերել է մեքենայի պահուստային բանալիները ու բացել մեքենայի դռները՝ գտնելով նրան արդեն մի քանի ժամ մահացած վիճակում:

ArmLur.am-ը տեղեկացավ, որ գործարարն ամուսնացած էր, ուներ 2 երեխա՝ տղան 13 տարեկան, աղջիկը 20: Բնակիչների խոսքով՝ նրանք բարեկեցիկ կյանքով էին ապրում, ու առեղծված է, թե ինչու պետք է Կարենը գնար այդ քայլին: Հարեանները ArmLur.am-ին տեղեկացրին, որ լսել են՝ որոշ ժամանակ առաջ Կարեն Գասպարյանը ֆինանսական խնդիրներ է ունեցել, սակայն ամեն ինչ կարգավորվել էր, բայց ընկերները պատմել են նաեւ, որ տեւական ժամանակ է՝ ինչ հրավիրում էին նրան որեւէ խնջույքի կամ առիթի, իսկ Կարենը հրաժարվում էր՝ ասելով, թե տրամադրություն չունի, չի ցանկանում ներկա գտնվել: Դեմիրճյան 1

շենքի համատիրության ղեկավարը թույլ չտվեց բարձրանալ գործարարի տուն՝ նշելով, որ ընտանիքը վատ վիճակում է, պարբերաբար շտապօգնություն է գալիս:

ArmLur.am-ն արդեն հայտնել էր, որ Կարեն Գասպարյանը «Կապիտալ Բիլդ» կառուցապատող կազմակերպության բաժնետերերից մեկն է: Դեպքի մասին առաջինը տեղեկացել էր Shamshyan.com-ը եւ հայտնել, որ դեպքի առթիվ նախաձեռնվել է քրեական վարույթ՝ քրեական օրենսգրքի 162-րդ հոդվածի 1-ին մասով (ինքնասպանության հասցնելը) եւ 335-րդ հոդվածի 1-ին մասով (հրազենի, դրա հիմնական բաղկացուցիչ մասերի, ռազամամթերքի եւ այլ նյութերի, սարքերի, առարկաների ապօրինի շրջանառությունը): Նշանակվել են դատաբժշկական, դատաձգաբանական փորձաքննություններ: Կատարվում է նախաքննություն:

ՔՆԱՐ ՄԱՆՈՒԿՅԱՆ

ՔՐԵԱԿԱՆ ԶՐՈՆԻԿՈՆ

ԳՈՂՈՒԹՅՈՒՆԸ ԲԱՑԱՐԱՅՏՎԵԼ Է

Օգոստոսի 15-ի ուշ երեկոյան ոստիկանության օպերատիվ կառավարման կենտրոն զանգահարած Վանաձորի Չուխաջյան փողոցի բնակիչը հայտնել է, որ տնից գողացել են գումար եւ այլ իրեր: Այս մասին տեղեկացնում են ՆԳՆ ոստիկանությունից:

«Մեկնեց Քրեական ոստիկանության Լոռու մարզային վարչության օպերատիվ խումբ: Տանտերը տվեց հաղորդում, որ նույն օրը՝ ժամը 21-ից 22-ն ընկած ժամանակահատվածում, պատշգամբի եվրադոնով կամ պատուհանով մուտք են գործել բնակարան եւ գողացել 500 հազար ՀՀ դրամ:

Կազմված փաստաթղթերն ուղարկվեցին Լոռու մարզային քննչական վարչություն, որտեղ նախաձեռնվեց քրեական վարույթ:

Օպերատիվ-հետախուզական միջոցառումների արդյունքում քրեական ոստիկանները ստացան տեղեկություն, որ գողությունը կատարել է տանտիրոջ որդին: Հետագա միջոցառումների արդ-

յունքում 28-ամյա երիտասարդը խոստովանեց արարքը: Հանգամանքները նախաքննությամբ պարզվում են», - ասված է հաղորդագրությունում:

Ի՞ՆՉ Է ԿԱՏԱՐՎՈՒՄ ՎԱՐԺԱԿԱՆ ՀԱՎԱՔՆԵՐԻ ԳՈՐԾԸՆԹԱՑՈՒՄ

Իրավապահ մարմինները մտել են մարզեր, համայնքի ղեկավարները ինչ-ինչ շահագրգռվածության դիմաց վարձական հավաքից խուսափողներին բանակ չուղարկելու համար զինկոմներին կեղծ տվյալներ են տալիս:

Մասնավորապես, վարձական հավաքների զարգացումը ենթակա գնացող անձինք ՌԴ-ում են, մինչդեռ ԱՄՆ-ն ուշագրավ օպերատիվ տվյալներ է ստացել, որ վարձական հավաքի գնացող անձինք ՀՀ-ում են եղել:

ArmLur.am-ին հասած տեղեկությունների համաձայն՝ ապրիլի 22-ին մեկնար-

կած 25-օրյա վարձական հավաքների կազմակերպման զինապարտների գտնվելու վայրի մասին փետրվարի 19-ին զինկոմիսարիատ ներկայացրած անվանացուցակների մեջ կատարվել են իրականությանը չհամապատասխանող գրառումներ, որը հաստատվում է համայնքապետերի կողմից:

Մասնավորապես, Ա.Լ.-ի, Ն.Շ.-ի, Ս.Գ.-ի անվան դիմաց կատարվել է «ՌԴ բացակա» գրառումը, սակայն վերջինս 2024 թ. մայիսի 1-ից գտնվում է ՀՀ-ում: Ավելին՝ սա միակ դեպքը չէ. իրավապահների ձեռքում մի շարք անձանց տվյալներ եւս կան: Ձեռնարկված օպերատիվ հետախուզական միջոցառումներով եւ կատարված ստուգումների արդյունքում պարզվել է, որ նշված անձինք տվյալ ժամանակահատվածում գտնվել են իրենց բնակավայրում, սակայն անվանացուցակներում կատարված եւ իրականությանը համապատասխանող գրառումների արդյունքում վերջիններս խուսափել են վարձական հավաքների մասնակցելուց: Դեպքով զբաղվում է ՀՀ հակակոռուպցիոն կոմիտեն:

Ք. ՄԱՆՈՒԿՅԱՆ

ԻՐԱՎԻՃԱԿ

ՎԵՃԸ ԱՎԱՐՏՎԵԼ Է ՄՊԱՆՈՒԹՅԱՄԲ

ՀՀ ԶԿ Երեւան քաղաքի քննչական վարչությունում նախաձեռնված քրեական վարույթի նախաքննության ընթացքում առերեսությամբ փաստական տվյալներ են ձեռք բերվել այն մասին, որ օտարազգի քաղաքացին, վրեժ լուծելու շարժառիթով, դանակով բազմաթիվ հարվածներ է հասցրել մեկ այլ օտարերկրյա քաղաքացու մարմնի տարբեր հատվածներին՝ սպանելով նրան:

Մեկ անձի նկատմամբ հարուցվել է հանրային քրեական հետապնդում՝ քրեական օրենսգրքի 155-րդ հոդվածի 1-ին մասով (սպանությունը): Վերջինիս նկատմամբ որպես խափանման միջոց կիրառվել է կալանքը:

ՆԳՆ-Ն ՏԵՂԵԿԱՑՆՈՒՄ Է

ՆԳՆ սպասարկման գրասենյակները շարունակում են իրականացնել շրջիկ սպասարկում՝ քաղաքացիներին մատուցելով եւ միգրացիայի եւ քաղաքացիության ծառայության, եւ հաշվառման-քննական բաժինների ծառայություններ: Այս մասին հայտնել են ՆԳՆ-ից:

ՆԳ նախարարի հրամանի համաձայն՝ օգոստոսի 21-ին ծառայություններ կմատուցվեն. ժամը 11:30-16:00 Գեղարքունիքի մարզի Վարդենիս համայնքում՝ համայնքապետարանի հարեանությամբ, ժամը 10:00-14:00 Կոտայքի մարզի Գառնի համայնքում՝ համայնքապետարանի հարեանությամբ, Շրջիկ սպասարկման շրջանակում քաղաքացիները կարող են փոխանակել անձնագիրը, ստանալ ժամանակավոր պաշտպանության վկայական, տեղեկանքներ, իսկ ԼՂ-ից տեղահանված անձինք ՀՀ քաղաքացիություն ստանալու համար կարող են տեղում դիմումներ ներկայացնել: Վարորդական իրավունքի ու սեփականության վկայականների, հաշվառման վկայագրի փոխանակման կամ կորստի դեպքում քաղաքացիները, մոտենալով շրջիկ գրասենյակ, կարող են նորը ստանալ, օգտվել նաեւ հաշվառման-քննական բաժինների կողմից մատուցվող այլ ծառայություններից:

Օգոստոսի 21-ին շրջիկ սպասարկման գրասենյակները կլինեն նաեւ Կոտայքի մարզի Չարենցավան եւ Բյուրեղավան համայնքներում՝ օգոստոսի 14-ին ընդունված դիմումների շրջանակներում փաստաթղթերը հանձնելու նպատակով:

ԿԱ 4 ՏՈՒԺԱԾ

Օգոստոսի 18-ին ավտովթար է տեղի ունեցել Կոտայքի մարզում: Ժամը 14:20-ի սահմաններում Ապարան-Եղվարդ ավտոճանապարհի Բուժական բնակավայրի ժողովրդին հայտնի Բուժականի խաչմերուկում բախվել են «Volkswagen Jetta» ու «Opel» մակնիշի ավտոմեքենաները: Բախման հետեւանքով «Opel»-ը դուրս է եկել երթուղիների գոտուց եւ կողաշրջվել: Ինչպես հայտնում է Shamshyan.com-ը, վթարի հետեւանքով 4 հոգուց 2-ը՝ երեխաները, տեղափոխվել են «Սուրբ Աստվածամայր», իսկ մեծահասակները՝ «Արմենիա» բժշկական կենտրոններ:

Վթարի փաստով քննչական բաժնում նախաձեռնվել է քրեական վարույթ, որտեղ էլ պարզվում են վարորդների եւ վիրավորների ինքնությունը:

● Ըստ ոստիկանության տվյալների՝ օգոստոսի 18-ից 19-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 161 դեպք, որից 10-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՄԱՐԶՊԵՏԱՐԱՆԻ ԿԱՅՔԸ

ԶԻ՞ ԱՇԽԱՏՈՒՄ

Տավուշի մարզպետ Յայկ Ղալումյանին հարցում ենք արել այն մասին, որ Տավուշի մարզպետարանի պաշտոնական կայքի՝ «Տեղեկատվական» բաժնի «Նորություններ» ենթաբաժնում հունիսի 26-ից մինչև օգոստոսի 13-ը՝ ավելի քան մեկուկես ամիս, ոչ մի լուր, տեղեկատվություն չի տեղադրվել: Ի՞նչն է դրա պատճառը: Տավուշի մարզպետարանից պատասխանել են. «ՀՀ Տավուշի մարզպետի աշխատակազմի պաշտոնական կայքի «Տեղեկատվական» բաժնի «Նորություններ» ենթաբաժնում տեղեկատվություն չտեղադրվելը պայմանավորված է տեխնիկական խնդիրների պատճառով»: Տավուշի մարզպետարանը պետական բյուջեից տարեկան հարյուրավոր միլիոն դրամների ֆինանսավորում է ստանում, այդ թվում՝ մեծ պարգևավճարներ, սակայն ինտերնետային մի կայք չեն կարողանում անխափան աշխատեցնել:

ՏՆՕՐԵՆԻ ԺՊ

«Հայաստանի էլեկտրական ցանցերի» ինտերնետային կայքից տեղեկացանք, որ ՀԷՏ «Աղստե» մասնաճյուղի տնօրենի ժամանակավոր պաշտոնակատը է նշանակվել Սարո Դավթյանը: Տավուշի մարզն ընդգրկող մասնաճյուղի տնօրենի պաշտոնը բավական ժամանակ թափուր էր Նիկոլայ Ղալթախյանի պաշտոնակալությունից հետո: Իջեանից հայտնեցին, որ Սարո Դավթյանը իջեանցի երիտասարդ է, նա մինչ այդ եղել է «Աղստե» մասնաճյուղի արտադրական բաժնի պետը: Արդյոք նրան կնշանակվեն մասնաճյուղի տնօրեն, թե՛ էլեկտրական ցանցերից անտեղյակ ԶՊ-ականի. ցույց կտա ժամանակը:

ԱՊՕՐԻՆԱԲԱՐ ՏԱՐԱԾՔ Է ԶԱՎԹՎԵԼ

Դիլիջան քաղաքի բնակչուհի Ամալյա Սարգսյանը լրագրողիս հայտնել է, որ իրենց ընտանիքը քաղաքի Թախտա թաղամասի հնաբնակներից է, այնտեղ տուն է կառուցել, բնակվում է անցյալ դարի 60-ական թվականների սկզբից: Ընտանիքի հայրը շուտ է մահացել: Ընտանիքի մայրը եւս մահացած է, Ամալյան, իր եղբայրը, քույրերը մորից ժառանգություն պետք է ստանան: Վերջին մի քանի տարիներին Մոսկվայում գտնված Ամալյան, վերադառնալով Դիլիջան, հայտնաբերել է, որ իրենց հարեանը տունը ծախել է այդ անշարժ գույքը 6 սեփականատեր է փոխել: Այժմ հարեանի տան տեղում հանգստյան գոտի է՝ քոթեջներ: Դրա կառուցապատողը ապօրինի կերպով քանդել է Սարգսյանների ընտանիքին պատկանող, նրանց հողամասում գտնվող պատը, թեք տարածքը հարթեցրել, Սարգսյանների տարածքից զավթել 60 քառակուսի մետր: Այդ ամենը կատարվել է 2021 թվականից հետո՝ Դիլիջանի ԶՊ-ական համայնքապետ Դավիթ Սարգսյանի պաշտոնավարման օրոք: Համայնքի ղեկավարը ինչո՞ւ է աչք փակել ապօրինի գործողությունների, տարածքի զավթման, ռեկտեֆին ինքնակամ փոխելու վրա: Ամալյա Սարգսյանի եղբայրը՝ Ժիրայր Սարգսյանը այդ ապօրինությունների դեմ դիմել է Վարչական դատարան, տուժած ընտանիքը նաեւ դիմել է իրավապահներին:

ՈՍԿԱՆ ՍԱՐԳՅԱՆ
Տավուշ

ԿԱՆԽԱՐԳԵԼԵԼ ԶԻ ՀԱՋՈՂՎԵԼ

ԵՐԵՒԱՆԻ ԿԱՏԱՂՈՒԹՅԱՄԲ Է ՎԱՐԱԿՎԵԼ ՈՒ ՄԱՐԱՑԵԼ

Օրենս Մամուլի մարզի Ակնալիճ համայնքում 3 օտերկան երեխայի մահ էր առճանաչվել:

Ըստ ներքին խոսակցությունների՝ դեպքը տեղի է ունեցել մոտ մեկուկես ամիս առաջ, իսկ պատճառը կատաղած շան կծելն էր: Շունը կծել էր եւ երեք տարեկան երեխային, որը մահացել է, եւ մահացած երեխայի մեծ եղբորը: Բարեբախտաբար, մյուս երեխան ողջ է:

Այս առնչությամբ ArmLur.am լրատվականը զրուցել է Ակնալիճ համայնքի ղեկավար Շողիկ Մուրադյանի հետ, որը հայտնեց հետեւյալը. «Այս պահին ընթանում է երեխայի ինքնահողի արարողությունը, գերեզմանատանն են: Երեկ էլ հուղարկավորությունն էր: Երեւի թե մի 40 օր առաջ էր շունը կծել երեխային: Հիմա հստակ չեմ կարող ասել՝ երբ, ինչ հանգամանքներում, որովհետեւ տարբեր բաներ են ասում: Գիտեմ, որ հենց իրենց բակի շունն է կծել, շատ փոքր մի շուն է: Երեխան էլ շան հետ խաղալիս է եղել: Այս պահին ավելին ասել չեմ կարող, հաշվի առնելով այն հանգամանքը, որ հարազատները շատ ծանր վիճակում են: Երեխան, երբ հիվանդանոցում է եղել, ծնողները ոչ խոսում էին, ոչ պատասխանում: Շատ վատ վիճակում են», - ասաց համայնքի ղեկավարը:

Թե երեխան ինչքան ժամանակ է մնացել հիվանդանոցում, համայնքապետը



դժվարանում է պատասխանել, բայց մեկերկու օրը կասկածանքով հաստատում է. «Կարծում եմ այո՛ր, մեկ-երկու օր, երեւի, մնացել է հիվանդանոցում»:

ՀՀ առողջապահության նախարարության մամուլի քարտուղար Մարիամ Ծատուրյան էլ մեզ հետ զրույցում նշեց հետեւյալը. «Երախային հիվանդանոց են տեղափոխել դեպքից բավականին ուշ, ծանր վիճակում, այն ժամանակ, երբ

որեւէ բան հնարավոր չէր անել: Կլինիկական պատկերն արդեն ակնհայտ էր: Տեղամասային բժշկի չեն դիմել: Հետագուկային կանխարգելումը կենսական է կծածի դեպքում. կատաղության դեմ պատվաստանյութը առկա է ՀՀ բոլոր բուժհաստատություններում, պետք է խիստ հետեւողական լինել եւ արագ կազմակերպել տուժածի հոսպիտալացումը»:

ՆԱՆԿԱ ՄՐԱՍՅԱՆ

ԼՈՒՐԵՐ

ԻՐԱՆԸ ԵՐԲԵՔ ԶԻ ԳՆԱ ԶԻՋՈՒՄՆԵՐԻ

Իրանի առաջնորդի միջազգային հարցերով ավագ խորհրդական Ալի Աբբաս Վելայաթին հայտարարում է, որ իրանական ժողովուրդը երբեք չի գնա զիջումների հայրենիքի ազգային անվտանգության հարցում: Նա X սոցիալական ցանցում գրել է. «Հզոր ու հնազույն իրանական ժողովրդի հպարտ պատմությունը ցույց է տալիս, որ այս ժողովուրդը երբեք չի թուլատրի իր ազգային անվտանգության հարցում որեւէ փոխզիջում»:

Հիշեցնենք, որ անցած շաբաթ Վելայաթին հանդիպել է Իրանի հետ երկկողմ հարաբերությունները համակարգող Հայաստանի արտգործնախարարի տեղակալ Վահան Կոստանյանի հետ: Քնարկումների սկզբում Կոստանյանը ներկայացրել է տարածաշրջանային վերջին զարգացումները եւ Վաշինգտոնում կայացած բանակցությունների մասին մանրամասներ՝ շեշտելով երկու երկրների պատմական կապերի պահպանումն ու բարի դրացիության կարելիությունը: «Մենք խորապես նվիրված ենք Իրանի հետ բարեկամական հարաբերություններին եւ արժեքավորում ենք այս պատմական կապերը», - նշել է Կոստանյանը:

Վելայաթին իր հերթին ընդգծել է, որ Իրանն անընդունելի է համարում իր անվտանգությանը դեմ ցանկացած քայլ եւ ողջունում է երկկողմ համագործակցության ընդլայնումը: Նա հավելել է, որ Իրանը մշտապես կողմ է հարեանների միջեւ տեւական խաղաղությանը եւ, ավելին, առավել քան որեւէ այլ երկրի կարելիություն է Ադրբեջանի ու Հայաստանի միջեւ խաղաղության հաստատումը: «ԽՍՀՄ փլուզումից եւ տարածաշրջանի երկրների անկայացումից հետո Իրանը առա-

ջիններից էր, որ քայլեր ձեռնարկել է Ադրբեջանի եւ Հայաստանի միջեւ խաղաղություն հաստատելու ուղղությամբ, եւ ԱԳ նախարարի պաշտոնավարման ընթացքում եւս առավելագույն ջանքեր են գործադրել այդ ուղղությամբ», - ասել է Վելայաթին:

Նա հիշեցրել է նաեւ Իրանի «գործնական քայլերը» խաղաղության համար. «Այդ ճանապարհին մենք Նույնիսկ ունեցել ենք նահատակներ, այդ թվում՝ մի շարք իրանցի դիվանագետների ընտանիքների անդամների զոհվելը, երբ Ղաթաբադյան պատերազմի ժամանակ հրթիռը խոցեց նրանց ինքնաթիռը: Այս պատմական փորձը վկայում է, որ Իրանի Իսլամական Հանրապետությունը լռորեն վճռական է խաղաղություն հաստատելու հարցում»:

Վելայաթին եզրափակելով անդրադարձել է Իրանի արտաքին քաղաքականության սկզբունքներին՝ ընդգծելով, որ «տարածաշրջանի ճակատագիրը պետք է որոշվի բացառապես տարածաշրջանի երկրների կողմից»:

ՆԱԿ ՎՈՐՈՒՆՅԱՆ

ԶՊ-ԱԿԱՆՆԵՐԸ ԴԱՏԱՐԱՆԻ

ԴՈՆԵՐՆ ԵՆ ԸՆԿԵԼ

ArmLur.am-ի տեղեկությունների համաձայն՝ չորրորդ դատական հայցն է ներկայացվել «Իմեմնիմի» փողքաթի համահեղինակ Վազգեն Սաղաթյանի դեմ:

Այս անգամ Սաղաթյանի դեմ դատական հայց է ներկայացրել ԱԺ ԶՊ խմբակցության պատգամավոր Հասմիկ Հակոբյանը: Պատգամավորը հայցի պահանջում նշել է՝ պատիվն ու արժանապատվությանը

պատճառված վնասի հատուցում: Գումարային պահանջի մասին դեռեւս հայտնի չէ: Հիշեցնենք, որ օգոստոսի 15-ին տեղեկացրել էինք՝ Սաղաթյանի դեմ դատական հայց է ներկայացրել ՀՀ սննդամթերքի անվտանգության տեսչական մարմնի ղեկավար Տիգրան Պետրոսյանը:

ArmLur.am-ը հայտնել էր, որ ՍԱՏՍ ղեկավարը Սաղաթյանից պահանջում է հօգուտ իրեն բռնագանձել 4.000.000 ՀՀ դրամ՝ որպես գրադարության դիմաց ոչ նյութական վնասի փոխհատուցում: Պետրոսյանը պահանջել է նաեւ Սաղաթյանին պարտավորեցնել, որպեսզի Նույն լրատվականով կամ առնվազն երեք հազար տպաքանակ ունեցող տպագիր մամուլով վերջինս իրենցից հրապարակային ներողություն խնդրի:

Պետրոսյանը նաեւ պահանջում է, որպեսզի Սաղաթյանը հերքում հրապարակի. «Հերքում. Ես՝ Վազգեն Սաղաթյանս, հրապարակայնորեն հերքում եմ տալիս Տիգրան Պետրոսյանի պատիվն ու արժանապատվությունն արատավորելու համար»: Հիշեցնենք, որ օգոստոսի 4-ին տեղեկացրել էինք, որ ԱԺ ԶՊ-ական պատգամավոր, ԶՊ վարչության անդամ Արուսյակ Մանավազյանն էր դատի տվել «Իմեմնիմի» փողքաթի համահեղինակ Վազգեն Սաղաթյանին: Իսկ օգոստոսի 8-ին ԱԺ նախագահ Ալեն Սիմոնյանը՝ կրկին Նույն պահանջով:

Նշենք, որ մի քանի շաբաթ առաջ «Իմեմնիմի» փողքաթի շրջանակում ուղիղ եթերում, Վազգեն Սաղաթյանի եւ Նարեկ Սամոնյանի մասնակցությամբ «Ով ում է դոմիում ԶՊ-ում» վերնագրով փողքաստում վերը նշված պաշտոնյաների մասին անձնական տեղեկություններ էր հրապարակել, որը, ըստ ներկայացված հայցերի, զրպարտություն է: Պաշտոնյանները պահանջում են հերքում եւ փոխհատուցում:

ՄՐԱՆԱ ԳՐԻԳՈՐՅԱՆ

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 18 պատահար, 28 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

«ՅՈՒՆԻԲԱՆԿ»

ԱՃՈՒՐԴԻ ՄԱՍԻՆ ՀՐԱՊԱՐԱԿԱՅԻՆ ԾԱՆՈՒՑՈՒՄ

2025 թ.-ի սեպտեմբերի 02-ին՝ ժամը 11:00-ին, կազմակերպիչ «Յունիբանկ» ԲԲԸ-ի կողմից ք. Երևան, Կոմիտաս 62 հասցեում կանցկացվի աճուրդ հոլանդական եղանակով:

Թիվ 47 լոտ՝ ոսկյա զարդեր եւ ջարդոն՝ 76.6 գր. ընդհանուր քաշով, որից 14.5 գր. ընդհանուր քաշով ոսկյա ջարդոն (զուտ քաշը՝ 14 գր.) 500 հարգի, 279.760 ՅՅ դրամ, 62.1 գր. ընդհանուր քաշով ոսկյա զարդեր եւ ջարդոն 585 հարգի՝ 1.460.160 ՅՅ դրամ, լոտի մեկնարկային գինը՝ 1.739.920 ՅՅ դրամ: Թիվ 48 լոտ՝ ոսկյա զարդեր եւ ջարդոն 45.4 գր. ընդհանուր քաշով, որից 33.2 գր. ընդհանուր քաշով ոսկյա զարդեր եւ ջարդոն (զուտ քաշը՝ 32.5 գր.) 585 հարգի՝ 770.380 ՅՅ դրամ, 7.3 գր. ընդհանուր քաշով ոսկյա ջարդոն (զուտ քաշը՝ 5.8 գր.) 500 հարգի՝ 115.900 ՅՅ դրամ, 4.9 գր. ընդհանուր քաշով ոսկյա ջարդոն 958 հարգի՝ 190.570 ՅՅ դրամ, լոտի մեկնարկային գինը՝ 1.076.850 ՅՅ դրամ: Թիվ 49 լոտ՝ ոսկյա զարդ 19.3 գր., որից 8.1 գր. ընդհանուր քաշով (զուտ քաշը՝ 7.6 գր.) 585 հարգի՝ 180.150 ՅՅ դրամ, 11.2 գր. ընդհանուր քաշով (զուտ քաշը՝ 10.9 գր.) 500 հարգի՝ 217.810 ՅՅ դրամ լոտի մեկնարկային գինը 397.960 ՅՅ դրամ: Թիվ 50 լոտ՝ ոսկյա զարդ 23.7 գր. ընդհանուր քաշով (զուտ քաշը՝ 22.8գր.) 500 հարգի, լոտի մեկնարկային գինը 455.600 ՅՅ դրամ: Թիվ 51 լոտ՝ ոսկյա զարդ 22.4 գր., որից 20.9գր. ընդհանուր քաշով(զուտ քաշը 20.6 գր) 585 հարգի՝488.300 ՅՅ դրամ,1.5գր. ընդհանուր քաշով 500 հարգի՝29.970 ՅՅ դրամ, լոտի մեկնարկային գինը 518.270 ՅՅ դրամ:Թիվ 52 լոտ՝ ոսկյա զարդեր 14 գր. ընդհանուր քաշով 585 հարգի, լոտի մեկնարկային գինը՝ 331.850 ՅՅ դրամ: Թիվ 53 լոտ՝ ոսկյա իրերի ջարդոն 4.3 գր. ընդհանուր քաշով, 958 հարգի, լոտի մեկնարկային գինը՝ 167.200 ՅՅ դրամ: Թիվ 54 լոտ՝ ոսկյա զարդեր 5.6 գր. ընդհանուր քաշով, 500 հարգի, լոտի մեկնարկային գինը՝ 111.900 ՅՅ դրամ: Թիվ 55 լոտ՝ ոսկյա զարդ 4.6 գր. ընդհանուր քաշով (զուտ քաշը՝ 4 գր.) 585 հարգի, լոտի մեկնարկային գինը՝ 94.800 ՅՅ դրամ: Վերոնշյալ լոտերի մեկնարկային գինը, կապված աճուրդի օրվա դրությամբ ոսկու շուկայական գնի փոփոխության հետ, կարող է փոփոխվել մինչեւ մեկնարկային գնի 5%-ի չափով: Լոտերը գրավի առարկա են, վիճակը՝ բարվոք:

Աճուրդին մասնակցելու համար ներկայացնել անձնագիր, մասնակցի վկայական /տրամադրվում է տեղում/, հաղթող է ճանաչվում առավելագույն գին առաջարկած մասնակիցը, նախավճարը՝ լոտի 5 %-ի չափով, վճարվում է կազմակերպչին աճուրդի բացումից առնվազն 30 րոպե առաջ, լոտի ուսումնասիրումը՝ մինչեւ աճուրդի բացմանը նախորդող յուրաքանչյուր երկուշաբթի եւ ուրբաթ օրերին՝ ժամը 9:00-13:00, ք. Երևան, Կոմիտաս 62 հասցեում: Աճուրդի կանոնակարգին ծանոթանալու վայրը աճուրդի անցկացման վայրն է, պատճենը տրամադրվում է դիմումի հիման վրա:

Հեռ. 043 004 227

«ԻՆԵԿՈԲԱՆԿ» - The Bank of New York Mellon. ՆՈՐ ՀԱՄԱԳՈՐԾԱԿՑՈՒԹՅՈՒՆ

ԸՆԴԱՅՆԵԼՈՎ ՄԻՋԱԶԳԱՅԻՆ ՓՈԽԱՆՑՄԱՆ ՀՆԱՐԱՎՈՐՈՒԹՅՈՒՆԸ

«Ինեկոբանկը» մեկնարկել է նոր եւ լայնածավալ համագործակցություն ամերիկյան առաջատար բանկերից մեկի՝ The Bank of New York Mellon-ի հետ՝ ընդլայնելով միջազգային փոխանցումների աշխարհագրությունը եւ առաջնությունը առավել արդյունավետ գլոբալ ֆինանսական ծառայություններ:

Այս համագործակցության շնորհիվ «Ինեկոբանկ» հաճախորդները՝ թե՛ ֆիզիկական եւ թե՛ իրավաբանական անձինք, կարող են ստանալ եւ իրականացնել ԱՄՆ դոլարով փոխանցումներ աշխարհի տարբեր ուղղություններով՝ ավելի արագ, հարմար եւ հուսալի եղանակով:

Ավելին՝ ս.թ. օգոստոսի 21-ից մինչեւ նոյեմբերի 30-ը ԱՄՆ դոլարով բոլոր փոխանցումներն «Ինեկոբանկ» միջոցով կիրականացվեն առանց միջնորդավճարի: Թղթակցային հարաբերությունների հաստատմանը զուգահեռ՝ այս գործընկերությունը ներառում է նաեւ The Bank of New York Mellon-ի կողմից առաջարկվող ֆինանսական ծառայությունների ավելի լայն շրջանակ:

«Հաշվի առնելով մեր հաճախորդների փոփոխվող կարիքներն ու միջազգային փոխանցումների աճող ծավալը՝ մենք շարունակում ենք ներդրումներ կատարել տարբեր ենթակառուցվածքների զարգացման ուղղությամբ եւ ապահովում ոչ միայն ներկա պահանջները, այլեւ հիմք դնում երկարաժամկետ զարգացման համար: The Bank of New York Mellon-ի հետ այս գործընկերությունը եւս մեկ կարեւոր քայլ է՝ տրամադրելու մեր բոլոր հաճախորդներին առավել ժամանակակից, արագ եւ հուսալի բանկային ծառայություններ ինչպես մեր երկրում, այնպես էլ դրա սահմաններից դուրս»,- նշում է «Ինեկոբանկ» գործադիր տնօրեն Հայկ Ոսկանյանը:

Երկու բանկերի միջեւ համագործակցությունը կնպաստի հատկապես կորպորատիվ հաճախորդներին մատուցվող ֆինանսական ծառայությունների ընդլայնմանը՝ խթանելով նրանց ակտիվ



ներգրավվածությունը միջազգային առևտրի ոլորտում:

«Մենք շարունակաբար քայլեր ենք ձեռնարկում մեր հաճախորդների համար կայուն եւ տեխնոլոգիապես առաջադեմ հնարավորություններ ապահովելու ուղղությամբ: The Bank of New York Mellon-ի հետ այս գործընկերությունը դրա տրամաբանական շարունակությունն է, որը հատկապես կարժեւորեն մեր կորպորատիվ հաճախորդները: Ներկայիս գլոբալ բիզնես միջավայրում բանկային գործարքների արագությունը, հուսալիությունը եւ բազմազանությունը որոշիչ նշանակություն ունեն, եւ մենք տրամադրում ենք գործիքներ, որոնք թույլ են տալիս կազմակերպություններին զարգացնել իրենց բիզնեսը միջազգային առևտրի ոլորտում»,- նշում է «Ինեկոբանկ» կորպորատիվ բիզնեսի տնօրեն Արտյոմ Զիչյանը:

Միջազգային փոխանցումների համար անհրաժեշտ տվյալները հասանելի են բանկի պաշտոնական կայքէջում եւ մասնաճյուղերում:

«Ինեկոբանկ» մասին

«Ինեկոբանկը» տարածաշրջանի առաջատար բանկերից է, որն առաջարկում է մանրածախ ու կորպորատիվ բանկային ծառայություններ՝ ուղղված յուրաքանչյուր անհատի եւ բիզնեսի ֆինանսական կարիքներին ու հետաքրքրություններին: Այս տարիների ընթացքում բանկը մշակել է նորարարական թվային լուծումներ եւ պրոդուկտներ՝ ներդնելով ֆինանսական ծառայությունների բոլորովին նոր մշակույթ հայաստանում:

«Ինեկոբանկ» ունի թղթակցային հարաբերություններ աշխարհի մի շարք առաջատար միջազգային բանկերի հետ:

«ՎՏԲ-ՀԱՅԱՍՏԱՆ» ԲԱՆԿ

ԱՋԱԿՑՈՒԹՅՈՒՆ՝ ՄԱՐԶԱՅԻՆ ԳՐԱԴԱՐԱՆՆԵՐԻՆ

«ՎՏԲ-Հայաստան» բանկը միացել է Newmag-ի BOOK DONATION կրթական եւ բարեգործական նախաձեռնությանը, որի նպատակն է համալրել Հայաստանի մարզերում համայնքային գրադարանների գրքային ֆոնդը: Նախագիծը նպաստում է ընթերցանության մշակույթի զարգացմանը եւ ընդլայնում է հեռավոր բնակավայրերի բնակիչների կրթական հնարավորությունները:

Ծրագրի շրջանակում յուրաքանչյուր գրադարան ստանում է Newmag հրատարակչությունից 500 նոր գիրք հայերեն լեզվով, որոնք նախատեսված են տարբեր տարիքային խմբերի եւ նախափրությունների համար՝ գեղարվեստական եւ դասական գրականությունից մինչեւ մանկական, զարգացնող եւ մասնագիտական: Արդյունքում՝ տասնյակ գրադարաններ ողջ Հայաստանում

կթարմացնեն իրենց գրքային ֆոնդերը եւ զարգացման նոր խթան կունենան:

Նախաձեռնության առաջին փուլում «ՎՏԲ-Հայաստան» բանկն աջակցել է Գյումրու եւ Գորիսի գրադարաններին: Հատկապես խորհրդանշական էր բանկի մասնակցությունը Գորիսում կայացած միջոցառմանը, որտեղ օգոստոսի 15-ին՝ քաղաքի օրվա առթիվ, «ՎՏԲ-Հայաստան» բանկի աջակցությամբ գրադարանը ստացավ արժեքավոր նվեր՝ տարբեր ժանրերի 500 նոր գիրք Newmag հրատարակչության կողմից: Տոնական մթնոլորտում անցկացված նվիրատվության արարողությունը դարձավ հանդիսության մի մասը եւ ընդգծեց մարզերում մշակույթի եւ կրթության զարգացման կարեւորությունը:

«Կրթության, մշակույթի եւ ինքնագարգացման աջակցությունը «ՎՏԲ-Հայաստան» բանկի առաքելության կարեւոր մասն է: Մենք համոզված ենք, որ հասանելիությունը որակյալ գրականու-

թյանը խթան կհանդիսանա ընթերցանության, կրթության եւ ինտելեկտուալ աճի համար, հատկապես՝ երիտասարդ սերնդի շրջանում», - նշել է «ՎՏԲ-Հայաստան» բանկի Գլխավոր տնօրեն - Տնօրինության նախագահ Արա Ավագյանը:

«BOOK DONATION-ը պարզապես գրքերի նվիրատվություն է: Դա միանվագ ակցիա չէ, այլ երկարաժամկետ նախաձեռնություն, որի նպատակն է մարզեր վերադարձնել ընթերցանության մշակույթը, ընդլայնել հասանելիությունը գրականությանը եւ գրադարանները դարձնել ժամանակակից կրթական կենտրոններ: «ՎՏԲ-Հայաստան» բանկի աջակցությունը հնարավորություն է տալիս ընդլայնել ծրագրի ծավալները եւ մեծացնել դրա ազդեցությունը տեղական համայնքների զարգացման վրա», - նշել է Newmag հրատարակչության տնօրեն Արտակ Ալեքսանյանը:

● «**ժողովուրդ**» օրաթերթում եւ ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄՇԱԿՈՒՅԹ

ԱՐԴԻ ԱՐՎԵՍ ԵՎ ՀՈԳԵՎՈՐ ՖԻԼՄԵՐ

ՖՐԵՍԿՈ ՆԵՐԱՌԱԿԱՆ ՓԱՌԱՏՈՆԸ՝ ՀԱՅԱՍՏԱՆՈՒՄ

Հայաստանի կրթության, գիտության, մշակույթի եւ սպորտի նախարարության աջակցությամբ եւ «Երեխաների հասուկ ստեղծագործական կենտրոն» ՊՈԱԿ-ի նախաձեռնությամբ մինչեւ սեպտեմբերի 6-ը (փառասոնը սկսվել է օգոստոսի 18-ից) Լոռու, Կոսայքի մարզերում եւ Երեւանում կանցկացվի «Ֆրեսկո» արդի արվեստի եւ հոգեւոր ֆիլմերի միջազգային ներառական 12-րդ փառասոնը:

Այս մասին հաղորդագրություն է տարածել ՀՀ ԿԳՄՍ նախարարությունը: Փառասոնի մեկնարկին ընդառաջ Լոռու մարզում կկազմակերպվի ներառական մշակութային ճամբար՝ ուղղված խոցելի խմբերի երեխաների ստեղծագործական ներուժի բացահայտմանը եւ մշակութային ինտեգրմանը: Բացման հանդիսավոր արարողությունը տեղի կունենա օգոստոսի 22-ին Կոտայքի մարզի Արմավիրի համայնքում: Կմանակցեն դաշնակահար Լեւոն Կարապետյանը, Հայաստանի Թ. Ալթունյանի անվան երգի-պարի պետական համույթը, «Զայլան Կոյս ստուդիան» եւ Ժեստերի երգչախումբը: Այս տարի փառասոնի ծրագրում ընդգրկված են 35 երկրից ներկայացված 52 միջազգային ֆիլմ, համերգային ծրագրեր, թատերական ներկայացումներ եւ վարպետության դասեր:

«Ֆրեսկո»-ն մշակութային երկխոսության յուրօրինակ հարթակ է, որը Հայաստանը վերածում է ժամանակակից շփումների խաչմերուկի: Այն համարում է մշակութային, հոգեւոր եւ սոցիալական արժեքներ, միավորում է արդի արվեստի տարբեր ձեւեր եւ հոգեւոր թեմատիկ ֆիլմեր՝ ընդգծելով արվեստի դերը մարդու ներաշխարհի բացահայտման, սոցիալական արդարության, ներառականության եւ միջմշակութային երկխոսության խթանման գործում: Փառասոնը հատուկ ուշադրություն է դարձնում խոցելի խմբերի ստեղծագործական ներուժի զարգացմանը, կարծրատիպերի հաղթահարմանը եւ համատեղ նախաձեռնությունների խրախուսմանը՝ հիմնվելով ինտեգրման սկզբունքի վրա: Բոլոր միջոցառումների մուտքն ազատ է:

Օգոստոսի 18-20-ը Լոռու մարզի Ներառական մշակութային ճամբարում տեղի է ունենալու միջոցառման բացման հանդիսավոր արարողությունը:



«Ֆրեսկո» արդի արվեստի եւ հոգեւոր ֆիլմերի միջազգային ներառական 12-րդ փառասոնի ծրագիրը հետեւյալն է՝

Օգոստոսի 22 - Կոտայքի մարզ, ք. Արմավիր, Բարեկամության հրապարակ
20:30 *համերգային ծրագիր* - Թաթուլ Ալթունյանի անվան Հայաստանի երգի-պարի պետական վաստակավոր անսամբլ,

- Զալիան Կոյս ստուդիո եւ Ժեստերի երգչախումբ,

- Դաշնակահար՝ Լեւոն Կարապետյան

21:30՝ *ֆիլմերի դիտում* - «Անկայունության երգը» (Թայվան), «Թափֆ» (Իրաք):

Օգոստոսի 23 - Կոտայքի մարզ, ք. Արմավիր, Բարեկամության հրապարակ

20:30 *համերգային ծրագիր* - Ազգային նվագարանների պետական նվագախումբ

21:30-ին՝ *ֆիլմերի դիտում* - «Գծագրելու ժամանակը» (Իսպանիա), «Կանաչ խխունջների Մայրամուտը» (Իրան), «Սիլվենը Թեղուտից» (Հայաստան), «Վերայի երազանքները Սուշիի Մասին» (Ռուսաստան), «Ժպիտներ եւ Շաքար» (Հոնգ Կոնգ):

Օգոստոսի 24 - Կոտայքի մարզ, ք. Արմավիր, Բարեկամության հրապարակ

20:30 *համերգային ծրագիր* - Սարգիս Մանուկյան եւ ընկերներ

21:30 *ֆիլմերի դիտում* - «Կոնտակտ» (Ռուսաստան), «Գիշերային Հերթափոխ» (Ֆրանսիա), «Բարե» (Հայաստան), «Մեծահասակները» (Ռուսաստան), «Բեռլա» (Հնդկաստան)

Օգոստոսի 27 - Երեւան, Փոքր Թատրոն, Արմվան 11

14:00 *ֆիլմերի դիտում* - «Հորիզոնից մի փոքր հեռու» (Ռուսաստան), «Պարզ բաներ» (Ռուսաստան), «Վերջին Անգամ» (ԱՄՆ), «Անցանկալի անդամ» (Հնդկաստան), «Աֆորի Կարլո» (Իտալիա), «Նի-նա» (Իտալիա), «Մայրիկ» (Լեհաստան), «Կարանտինային փրկագին» (Իրան), «Կուչումդա» (Չադ), «Դիմանկար» (Ռուսաստան), «Առանց ընտանիքի» (Ռուսաստան), «Ուղիղ եւ Շրջանագծով» (Բելառուս), «Ամբողջական հիշողություն» (Լյուքսեմբուրգ), «Գեղեցիկ Ժպիտ» (Գերմանիա), «Մանկական ալբոմ» (Ռուսաստան), «Հաղթողը» (Իրան), «Մեկ տեսանկյուն» (Ֆրանսիա), «Նովամիտա» (Իտալիա), «Անհնարինի ընդդեմ» (Մեքսիկա), «Նանուկ Սարի Լեգենդը» (Իրան), «Կետ» (Իրան), «Մայրեր եւ երեխաներ» (Ռուսաստան):

Օգոստոսի 28 - Երեւան, Փոքր Թատրոն, Արմվան 11

14:00 *ֆիլմերի դիտում* - «Ամառվա վերջի պոեմը» (Հինաստան, Շվեյցարիա), «Յու» (Ռուսաստան), «Դեպի Ռ՝ր» (Եգիպտոս), «Քուին» (Բրազիլիա), «Վրա» (Հոնգ Կոնգ), «Անծոված ձկները» (Ավստրալիա), «Թափոց» (Վրաստան, Ռուսաստան), «Երբ ես եկա Քո Դռան Մոտ» (Եթովպիա), «Լույսեր» (Չեխիա), «Երեք ոտքի պարը» (Գերմանիա), «Կարերի տակ» (Արգենտինա), «Կարդերի փողոց» (Իտալիա), «Բլանշետը եւ ութ կոպեկը» (Ֆրանսիա), «Սեւ ու սպիտակ» (Հայաստան, Ռուսաստան):

19:00-ին՝ *թատերական ներկայացում* - «Վայրի երեխան» (Գյումրու երիտասարդական թատերախումբ):

Օգոստոսի 30 - Կոտայքի մարզ, ք. Հրազդան, Շառլ Ազնավուրի անվան զբոսայգի՝ Եղենիների պուրակ

20:30 *համերգային ծրագիր* - «Արդվին» երգի-պարի անսամբլ

21:30-ին՝ *ֆիլմերի դիտում* - «Հայոց Հոգու եւ Մարմնի Համաձուլը» (Հայաստան): Սեպտեմբերի 5 - Կոտայքի մարզ, ք. Հրազդան, Շառլ Ազնավուրի անվան զբոսայգի՝ Եղենիների պուրակ

20:30-ին՝ *թատերական ներկայացում* - «Ցանկապատ» (ԲՈՂԵՄ թատրոն):

ՆԱՆԻԿ ԱՐԱՍՅԱՆ

ՈՉ ՆՅՈՒԹԱԿԱՆ ՄՇԱԿՈՒԹԱՅԻՆ ԺԱՌԱՆԳՈՒԹՅԱՆ ՊԱՅՊԱՆՈՒԹՅՈՒՆ

ԱՄՓՈՓՎԵԼ Է «ՄԵՎԱՆԱՑԱՆՑ» ԾՐԱԳԻՐԸ

ՀՀ ԿԳՄՍՆ աջակցությամբ եւ «Մեւան» երիտասարդական ակումբ» ՀԿ-ի նախաձեռնությամբ իրականացվել է «ՄեւանՑԱՆՑ» ծրագիրը:

Ինչպես տեղեկացնում է ՀՀ ԿԳՄՍՆ-ն, ծրագրի նպատակն էր Գեղարքունիքի մարզի համայնքներում երիտասարդության շրջանում ոչ նյութական մշակութային ժառանգության պահպանության գաղափարի տարածումը, մշակութային եւ բնապահպանական կրթության խթանումը: Ծրագրին մասնակցության հայտ էին ներկայացրել ՀՀ Գեղարքունիքի մարզի Գավառ, Մարտունի, Վարդենիս, Ճամբարակ եւ Սեւան խոշորացված համայնքների 15 բնակավայրի 40 երիտասարդներ: Արդյունքում խոշորացված համայնքների 10 բնակավայրից (Սեւան, Լճաշեն, Լիճք,

Վարդենիկ, Ճամբարակ, Ծովակ, Կուտական, Գավառ, Գանձակ, Սարուխան) ընտրվել է 16 մասնակից, որոնք ներգրավվել են բազմաբնույթ մշակութային միջոցառումներում:

Ծրագրի հազեցած էր տեսական եւ գործնական կրթական նյութերով, այդ թվում՝ տեսական ինտերակտիվ դասընթաց ոչ նյութական մշակութային ժառանգության պահպանության, գույքագրման եւ հանրայնացման մասին թեմաներով՝ դրանք համադրելով Սեւան լճի կարեւորության, հիմնախնդիրների, լճին առնչվող մշակութային ժառանգության եւ կլիմայի փոփոխության պարագայում դրանց պահպանության եւ փոխակերպումների հարցերի հետ: Ծրագրի գործնական հատվածում տեղի են ունեցել նյութի հավաքագրման հանդիպումներ տեղաբնակ բնա-

սացների հետ, նյութի գրանցման մեթոդաբանության ուսուցում, դասընթացավարների ու փորձագետի հետ համատեղ դաշտային հետազոտական աշխատանքների իրականացում, ինչպես նաեւ այցելություն Սեւան ազգային պարկի թանգարան՝ ծանոթանալու լճի հարակից բնական եւ մշակութային ժառանգությանը:

Ծրագրի շրջանակում Սեւան համայնքում տեղի է ունեցել «ՄեւանՑԱՆՑ» երիտասարդական կրթական մշակութային եռօրյա ճամբարը, որի ընթացքում մասնակիցները գործնականում կիրառել են ստացած գիտելիքները: Նրանք համայնքներում բնաստացներից գրանցել են ոչ նյութական մշակութային ժառանգության 41 տարր, որոնցից հինգը կներկայացվեն ՀՀ ոչ նյութական մշակութային ժառանգության պետական ցանկերում գրանցման:

ՄԱՐԶԱԿԱՆ

ՊԱՐԶԱԲԱՆՈՒՄ՝ ՀՀ-ՊՈՐՏՈՒԳԱԼԻՍ ԽԱՂԻ ՏՈՄՍԵՐԻ ՎԵՐԱԲԵՐՅԱԼ

Վերջին օրերին ֆուտբոլասերների շրջանում տարածված էր կարծիք, որ Հայաստանի ամենաթանկ արժույթը ոչ թե դոլարն է, այլ Պորտուգալիայի դեմ խաղի տոմսը: Իրոք, ստորոշություն է երեխաների համար այդքան սպասված հանդիպման տոմս գնելն ու այն կրկնակի թանկ վերավաճառելը:

Տոմսերի վաճառքի առիթով Հայաստանի ֆուտբոլի ֆեդերացիան հանդես է եկել հայտարարությամբ:

«Հարգելի՛ երկրպագուներ,

Հայաստան-Պորտուգալիա հանդիպման տոմսերի վաճառքը մեծ արձագանք ստացավ: Շատերը ՀՖՖ-ին մեղադրում են, որ չեն կարողացել տոմս գնել: «Հանրապետական» մարզադաշտը կարող է ընդունել առավելագույնը 14.000 երկրպագու: Տոմս ձեռք բերելու հայտ է ներկայացրել 470.000 մարդ: 1 երկրպագու կարող էր գնել 2 տոմսից ոչ ավելի, հետեւաբար, հնարավոր է եղել բավարարել մոտ 7000 հայտի պահանջ: Բնականաբար, շուրջ 463.000 երկրպագու կարող է բողոքել, որ չի կարողացել տոմս գնել:

Տոմսերի պաշտոնական վաճառքից դեռ ամիսներ առաջ համացանցում եղել են վաճառքի վերաբերյալ ՈԶ պաշտոնական հայտարարություններ, հիմա էլ ոմանք աստղաբաշխական գներով տոմսեր են վաճառում:

Վերավաճառողների դեմ պայքարելու համար ՀՖՖ-ին խորհուրդ էին տալիս հանդիպման տոմսերը վաճառել 100.000-200.000 դրամ, բայց ՀՖՖ ռազմավարության հիմնական ուղղություններից է ֆուտբոլը որպես սոցիալական երեւույթ ընկալելը: Բնականաբար, տոմսերի նման թանկացում չէր կարող լինել:

Տեղեկացնենք, որ 14.000 նստատեղով ստադիոնի մոտ 7.000 տոմս վաճառվել է շատ մատչելի՝ 1000-3000 դրամ: Շուկայում այժմ այս տոմսերը վաճառում են տասնապատիկ թանկ:

ՀՖՖ-ի վաճառած բոլոր տոմսերի ՕՐ կողերը ակտիվանալու են հանդիպման օրը՝ սեպտեմբերի 6-ին: Վերավաճառողները տոմսերը կարող են վաճառել մի քանի անձի, բայց ակտիվանալու է միայն մեկ ՕՐ կող: Այս դեպքում ես կարող է լինել բողոքի մեծ ալիք, որի հետ ՀՖՖ-ն որեւէ առնչություն չունի:

Հարգելի՛ ֆուտբոլասերներ, ՀՖՖ-ն հորդորում է շուկայից չգնել տոմս՝ հետագա բարդություններից խուսափելու համար: ՀՖՖ-ն պատասխանատու չէ այլ անձանց վաճառած տոմսի համար: Վերավաճառողից տոմս չգնելով՝ կոզնենք, որպեսզի հետագայում հայկական ֆուտբոլից իսպառ վերանա այս բացասական երեւույթը:

Այսպիսով, «Հանրապետական» մարզադաշտը կարող է ընդունել միայն 14.000 երկրպագու, մինչդեռ տոմս ձեռք բերելու հայտ է ներկայացրել շուրջ 470.000 մարդ: Այսպիսով՝ ավելի քան 463.000 երկրպագու չի կարողացել տոմս ստանալ:

Թե ինչպես վաճառվեցին այդ տոմսերը՝ ֆանտաստիկ արագությամբ՝ ծանր աշխատող կայքում, միայն Աստված գիտի: Իսկ թե ովքեր դարձան այն երջանիկները, որոնք գնեցին դրանք, նույնպես գիտեն միայն «վերենները»:

● Օգոստոսի 30-ին՝ ժամը 15:00-ին, Հովհաննես Թումանյանի անվան ազգային տիկնիկային թատրոնում տեղի կունենա «Մաղազասկար» ներկայացումը: Տոմսերի արժեքը՝ 1.500-3.000 դրամ:



ՍՈՑԻԱԼԱԿԱՆ

ՀԱՐՑ. Ես ուզում եմ իմանալ՝ եթե անձը կենսաթոշակ ստանալու համար դիմում է ներկայացնում, առաջ ինչ ժամկետում է այն նշանակվում:
Քրիստինե Լալայան (37 տարեկան, տնային տնտեսուհի)



ՊԱՏԱՍԽԱՆ. Ք. Լալայանաի հարցին ի պատասխան տեղեկացնում ենք, որ կենսաթոշակ նշանակող ստորաբաժանումը դիմումն ընդունելուց հետո՝ տասը աշխատանքային օրվա ընթացքում, հիմք ընդունելով ներկայացված փաստաթղթերը եւ պետական կենսաթոշակային համակարգի տվյալների շտեմարանի տվյալները, կայացնում է հետեւյալ որոշումներից մեկը՝
Նշանակել կենսաթոշակ,
Նշանակել կենսաթոշակ եւ տեղեկացնել կենսաթոշակը վերահաշվարկելու համար լրացուցիչ փաստաթուղթ ներկայացնելու անհրաժեշտության մասին,
մերժել կենսաթոշակ նշանակելը:
Կենսաթոշակ նշանակող ստորաբաժանումը կենսաթոշակ նշանակելը մերժելու կամ անձին կենսաթոշակ նշանակելու եւ լրացուցիչ փաստաթուղթ ներկայացնելու անհրաժեշտության մասին որոշում կայացնելու դեպքում հինգ աշխատանքային օրվա ընթացքում այդ մասին պատշաճ կարգով ծանուցում է կենսաթոշակ նշանակելու համար դիմած անձին՝ նշելով մերժելու պատճառները եւ որոշումը բողոքարկելու կարգը:
ՀՀ աշխատանքի եւ սոցիալական հարցերի նախարարություն

«ԺՈՂՈՎՈՐԳ». Աշխատանքային կենսաթոշակի չափը հիմնական կենսաթոշակի չափի եւ կենսաթոշակի աշխատանքային մասի գումարն է: Կենսաթոշակի աշխատանքային մասը աշխատանքային ստաժի տարիների, աշխատանքային ստաժի մեկ տարվա արժեքի եւ կենսաթոշակառուի անձնական գործակցի արտադրյալն է:

ՀՈԳԵԿՈՐ

ՀԱՐՑ. Ինչո՞ւ են եկեղեցիների շենքերը շեղ, այլ ոչ թե հասարակ ու համեստ: Ո՞րն է դրա իմաստը:
Ժեյա Հակոբյան (48 տարեկան)



ՊԱՏԱՍԽԱՆ. Սխալ է ասել, թե եկեղեցին շեղ է, այն պատշաճորեն գեղեցիկ եւ մաքուր է, քանի որ աներեւույթ Աստծո բնակարանն է: Ս. Հովհաննես առաքյալն ասում է. «Աստծո Որդու Արյունը սրբում է մեզ ամեն մեղքից...եթե մեկը մեղանջի, Աստծո առաջ բարեխոս ունենք Հիսուս Քրիստոսին՝ Արդարին եւ Անարատին, եւ Նա է քավությունը մեր մեղքերի»: Եկեղեցում Սուրբ Պատարագի ժամանակ ենք հաղորդվում մեր Աստծո՝ Տեր Հիսուս Քրիստոսի հետ: Աստված Սուրբ է եւ սուրբերի մեջ է բնակվում (տես՝ Բ Կորնթ. 6.14-7.1), ուստի այն տեղը, որտեղ տեղի է ունենում մեր հանդիպումը՝ Սուրբ, Ամեն, Արդար եւ Անարատ Տեր Հիսուս Քրիստոսի հետ հաղորդությամբ, պետք է լինի պատշաճորեն գեղեցիկ եւ մաքուր:
Օրինությանը՝ Տ. Սմբատ քահանա Սարգսյան

«ԺՈՂՈՎՈՐԳ». Հայ եկեղեցու առաջին հիմնադիրներն են Սուրբ Թադեոս եւ Սուրբ Բարդուղիմեոս առաքյալները, որոնք կոչվում են Հայաստանի Առաջին Լուսավորիչներ: Նրանց շիրիմները որպես Նվիրական սրբավայրեր հարգվել ու պահպանվել են պատմական Հայաստանի Արտագի (Մակու) եւ Աղբակի (Պաշքալե) վանքերում: Բոլոր քրիստոնյա եկեղեցիները համափառ են Սուրբ Բարդուղիմեոս առաքյալի մասին եղած հայոց ավանդությանը եւ անվարան ընդունում են թե՛ նրա առաքելական շրջանը եւ թե՛ Հայաստանում քարոզելն ու այնտեղ մարտիրոսված լինելը:

ԼՈՒՐ ԿԱԴՐ

Լուսանկարը՝ համացանցից



Կիլիկիա ավտոկայանի տարածքում այլուսն ու մայթը դարձել են աղբաման. երեւի շատ մարդիկ մոռացել են, որ քաղաքը մեր բոլորին է, ու մաքուր պահելը մեր պարտականությունն է առաջնահերթ:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայկոստ» ՊԺԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-53-01

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (**010 54-64-23** հեռախոսահամարով), եւ մենք անպայման կանդադարաւանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետեւյալ բլանկը:
Ամեն օր թերթը կհասնի ձեր Նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

ԵՂԱՆԱԿԻ ՏԵՍՈՒԹՅՈՒՆ



	Շիրակ	+10 + 15 +27 + 32		Արարատ	+18 + 21 +33 + 36
	Կոտայքի լեռներ	+10 + 14 +28 + 31		Արմավիր	+19 + 22 +36 + 38
	Կոտայքի Նախալեռներ	+18 + 21 +31 + 34		Վայոց ձորի լեռներ	+ 9 + 13 +25 + 29
	Գեղարքունիք	+ 9 + 14 +25 + 29		Վայոց ձորի Նախալեռներ	+19 + 23 +35 + 38
	Լոռի	+12 + 16 +25 + 29		Սյունիքի հովիտներ	+18 + 22 +30 + 35
	Տավուշ	+19 + 22 +30 + 34		Սյունիքի Նախալեռներ	+15 + 18 +24 + 28
	Արագածոտնի լեռներ	+10 + 15 +27 + 30		ԼՂՀ	+15 + 19 +30 + 35
	Արագածոտնի Նախալեռներ	+18 + 22 +30 + 35		Երեւան	+22 + 29 +31 + 36

Լրատվական գործունեություն իրականացնող՝
«Ժողովուրդ թերթի խմբագրություն» ՍՊԸ
Հասցեն՝ ք. Երեւան, Արշակունյաց 22՝/3, հեռ՝ **010 54-64-23**
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության **19.8.2025**
Տպաքանակ՝ 3968

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ չեն վերադարձվում, **Գ** նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետեւյալ նախադասությունը. «Շարունակությունը կարող եք կարդալ «Ժողովուրդ» օրաթերթի այսօրվա համարում»: